

## Jarry, Bémao, potomitan ékonomik a Gwadeloup adan larèl a "ESPACES ET ECHANGES" oben "IDEE DE PROGRES"

**On téritwa ki néyé anba dlo oti ou pé pa konswi ayen pou viv anlè-y.**

Mi sé konsa, pannan lontan, gran téritwa a komin Bémao jòdi, on lakou ki ka liyanné Granntè é Bastè, té konsidéré. Pa menm palé gran mòso a téritwa -y ki té kouvè épi mangròv, ja ni pasé sèlman ven lanné.

Prèmyé blan Léwòp ki chouké Gwadeloup té ja ka admèt valè a tè-lasa : mové ba moun, bon pou jibyé, kontèl tòti lanmè, lanmanten. Kantmenm, yo pa jen té las chèché mwayen pou té pran lanmen asi téritwa-lasa toupannan yo té ka konblé sé mangròv-la.

Pannan plizyè syèk, kann sété sèl richès a lakou-lasa.

Jòdijou, on bèl mòso a sé téren agrikòl-la ka pòté kann toujou. Mé, sèksyon endistriyèl Jari la, ki ka fasadé Lapwent, ki konswi toutpoutout anlè mangròv-la, anni chouboulé komin Bémao pou fè-y vin lakou potomitan ékonomik a Gwadeloup. Sé p'asi Bémao osi, ou ké pé touvé pli gran sant komèsyal a péyi-la.

<http://www.baiemahault.fr>

### **Bémao, vil bòdaj Granntè-Bastè**

Bémao plasé p'asi lès Bastè é alyansé épi granlakou\*<sup>1</sup> Lapwent. Pozisyon-lasa ka rann komin-la fondal pou péyi-la. Sòti Granntè, pou ay Bastè, fò pasé pa Bémao. Anlè téritwa-y, ou ka touvé Jari, zòn endistriyèl potomitan a péyi Gwadeloup.

Sant komèsyal Dèstréland konswi anlè téritwa a Bémao osi.

Sèksyon moun konnèt plis sé Triyonsèl, Lajay, Kalvè, Moudong, Jari, Larètrèt, Bosolèy, Wonch, Dèstrélan é Bèlkou...

Twa komin ka fè bòdaj épi Bémao pa Pon Gaba : Tibou, Lanmanten é Lapwent. Yonn pa pon Lalyans : Zabim.

\*<sup>1</sup>granlakou Lapwent = aglomérasyon Lapwent



<http://fr.wikipedia.org>

### **Konswi kaz a-w Bémao !**



Vin mètakaz, mi rèv a toutmoun vin réyèl poubon !

Vil Bémao ka bénéfisyè pli bèl pozisyon antrè Bastè é Granntè. Sé sèktè potomitan ékonomik a Gwadeloup. Tout richès laliwondaj a-y é pòt a-y ki ka wouvè si lanmè-la ké souprann-vou toubònman.

Adan on ti sèksyon trankil, ki ka rénové, sé anni 2 mn pou rivé Jari é lakou Lapwent.

Dépi 199 990 €, ou pé vin mètakaz on bèl vila épi tout ékipman adan.

[www.semag.fr](http://www.semag.fr)

## Jarry, potomitan ékonomik Gwadeloup (tèks é zimaj)

---

Sèktè Jari sé on bèl ègzanp a on nich ékonomik anmouvman. Sé 3em pli gran zòn endistriyèl Lafrans é sé prèmyé la p'asi Gwadeloup. I byen plasé anmitan Bémao, é ou pé konté 15 mil salaryé poudi toupré ¼ popilasyon, ki annéta travay Gwadeloup, ka pran chimen Jari touléjou.

Jari sé on zòn détaksé, oti lésèz ki ka èspéré laji pòtfèy kliyan a-yo é démultiplié chif-afè a-yo, ké trouvé plas é zouti pou fè mannèv a-yo. Gwadeloup ka pézé on bon dizenn sèktè endistriyèl ki plasé asi tout téritwa a-y é ka miziré 463, 8 èkta tè.

On bon enpé aktivité konsantré anlè granlakou Lapwent mé sé piplis sèktè Jari ki ka miziré 300 èkta tè asi komin Bémao ki ka konté é ralé plis lantoupriz. Alantou a-y, tin bann-lendistri "Aktivité Léwòp-Karayib" la ki ka sanblé Pò Otonom-la, santral élèktrik, rézèvwa pétwòl SARA, zòn konmès entèrnasyonnal-la é bann-lendistri World trade center la, sankonté yonndé antrèpo.

Jarry, potomitan ékonomik, <http://www.guadeloupe.fr>



Jarry, le poumon économique, <http://www.guadeloupe.fr>